

ARLeF: Gurize capitâl de Culture 2025, un travuart storic par dut il popul furlan

“La nomine di Gurize (adun cun Nova Gorica) a Capitâl Europeane de Culture 2025 al è un travuart storic pal popul furlan. La ARLeF, mandant lis sôs congratulazions al sindic Rodolfo Ziberna par chest sucès straordenari, si met daurman a disposizion de citât par contribuî a valorizâ la sô vocazion pluriculturâl”. Cun chestis peraulis il president de ARLeF, Eros Cisilino, al à saludât la resinte designazion de capitâl dal Friûl orientâl. “Une colaborazion – al à zontât Cisilino – che o metin in cjamp no dome tant che Agenzie Regjonâl pe Lenghe Furlane, ma ancje tant che vicepresidence dal NPLD, il Network european des minorancis linguisticis con sede a Bruxelles. Chest ultin rûl nus darà la fuarce par podê impegnâsi a nivel european par valorizâ cheste vitorie simboliche e, cun jê, la identitât multilengâl di Gurize”.

“Gurize e je la prime citât furlane nomenade Capitâl de Culture – al siere Cisilino –. E rapresente la vitorie de anime plui sclete de Europe, chê de pluralitât dai popui e des lenghis. Un risultât straordenari par une citât maraveose, là che ogni dì la int e fevele par furlan, talian e sloven. Al è un sucès che i dâ fuarce al patrimoni storic, linguistic e culturâl che al è la plui grande ricjece dal nestri teritori.”

Udin, ai 19 di Dicembar dal 2020

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<